

1870.

7. nóvbr.

þóknun, er í mesta lagi muni nema 480 rd., sem til ætlað sè að verði greiddir úr jafnaðarsjóði suðuramtsins, og hafð þèr gjört þessa ráðstöfun af því, að horfir til fjárkláða meðal fjallaájarins í haust; jafnframt þessu hafð þèr stungið uppá, að stjórnarráðið samþykki þessa ráðstöfun, og sökum þess, að ástand jafnaðarsjóðsins sè í lakara lagi, veiti nokkurt tillag til þess að borga tæðum dýralækni þóknun þá, sem honum hefir verið lofað, af því fè, sem veitt er til óvissra útgjalda handa Íslandi.

Útaf þessu gefst yður til vitundar, yður til leiðbeiningar, að stjórnarráðið hefir ekki neitt ámóti þessari ráðstöfun yðar, og skal því við bætt, að vèr höfum í dag skrifað landfógeta, að yður verði borgaðir 200 rd. í þessu skyni úr jarðabókarsjóðnum af því fè, sem veitt er með fjárhagslögnum 20. grein, VI, C.

7. nóvbr.

105. Bréf dómsmálastjórnarinnar til stiptysfirvaldanna á Íslandi, um reikninga stiptysprentsmiðjunnar.

Með bréfi 15. janúar þ. á. hafð þèr, herra stiptamtmaður, og þèr, háæruverðugi herra, sent hingað skjal nokkurt, þar sem forstöðumaður stiptysprentsmiðjunnar, Einar Þórðarson, skýtur til úrslita stjórnarráðsins úrskurði stjórnardeildar reikningsmálanna um 4. grein í athugasemðunum við reikninga prentsmiðjunnar 1865 um það, hvernig reikna eigi þann hundraða-hluta af hinum árlega ágóða prentsmiðjunnar, sem honum fellur í skaut. Þèr áltíð, að reikningur hinnar nefndu stjórnardeildar, sem er undirstaða úrskurðarins, virðist vera á réttum rökum byggður (en samkvæmt honum telst árs-ágóði prentsmiðjunnar, sem forstöðumaðurinn á hlutdeild í, þannig, að upphæð allra útgjalda á hverju ári sè dregin frá tekjunum), og eigi því að fara eptir honum bæði í reikningum þess árs og endranær, og hafð þèr stungið uppá, að úrskurður stjórnardeildarinnar um þetta atriði standi óraskaður, en samkvæmt honum á forstöðumaðurinn að greiða 14 rd. 22 sk., og að forstöðumanni prentsmiðjunnar eptir þessum úrskurði sè

1870.
7. nóvbr.

veittir 5 af 100 af ágóðanum fyrir reikningsárið 1866, en það verða af 944 rd. 35 sk.: 47 rd. 21 sk., og þegar búið er að draga frá 1 rd. 75 sk., sem hann hefir talið sèr til góða í reikningnum í þessu skyni, 45 rd. 42 sk., og skuli hinir fyr nefndu 14 rd. 22 sk. taldir með tekjum prentsmiðjunnar í reikningum þessa árs, en 45 rd. 42 sk. með útgjöldum hennar.

Eptir að stjórnarráðið hefir skrifazt á við hina fyrnefndu stjórnardeild um þetta, gefst yður til vitundar, yður til leiðbeiningar, að vèr föllumst á uppástungu yðar, og mælumst til þess, samkvæmt beiðni reikningsdeildarinnar, að þèr, herra stiptamtmaður, og þèr, háæruverðugi herra, sjáið um, er þèr fáíð reikninga prentsmiðjunnar, að rétt aðferð sè við höfð til þess að finna hluta forstöðumannsins, og, ef það er ekki gjört, að fá forstöðumanni reikningana aptur til þess hann semi þá á ný.

106. Bréf dómsmálastjórnarinnar til stiptamtmannsins á Íslandi, um nefnd í landbúnaðarmálinu.

7. nóvbr.

Samkvæmt þegnlegri uppástungu stjórnarráðsins hefir hans hátign konunginum þóknazt að fallast á 4. þ. m., að yður, herra stiptamtmaður, sè falið á hendur, að setja þriggja manna nefnd til að semja frumvarp til nýrra landbúnaðarlaga handa Íslandi.

Um leið og vèr samkvæmt þessu mælumst til, að þèr gjöríð þær ráðstafanir, sem með þarf til þess að setja þessa nefnd, skal hèr nokkrum orðum farið um þetta mál. Að því er snertir það atriði, hverja velja skuli í nefndina, verður stjórnarráðið samkvæmt uppástungu yðar í bréfi 30. septbr. f. á. að álíta það hagfelldast, að nefndarmenn sè sinn alþingismaðurinn úr hverju amtinu, og má að nokkru leyti firra sig vandkvæðum þeim, sem óeitanlega mundu hljóttast af, að sinn er úr hverju amti, með því, að einum nefndarmanni sè falið á hendur að búa til frumvarp til undirstöðu, sem allir nefndarmenn á síðan yfir færi í sameiningu, og til þess sè tekinn tíminn rétt á undan eða eptir alþingi, en með því mætti spara ferðakostnað, sem annars yrði ekki komizt hjá. Þar sem